

ODLUKA

**O PRIHVATANJU ZADUŽENJA PO SPORAZUMU O ZAJMU,
FINANSIRANJU I PROJEKTU IZMEĐU BOSNE I HERCEGOVINE I
KREDITANSTALT FÜR WIEDERAUFBAU, FRANKFURT NA MAJNI
("KfW"), ZA REALIZACIJU PROJEKTA SCADA/DMS/OMS – NA NIVOU
DISTRIBUCIJE**

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10), Parlament Federacije Bosne i Hercegovine, na sjednici Predstavničkog doma, održanoj 7.9.2011. godine i na sjednici Doma naroda, održanoj 22.9.2011. godine, donio je

ODLUKU

O PRIHVATANJU ZADUŽENJA PO SPORAZUMU O ZAJMU, FINANSIRANJU I PROJEKTU IZMEĐU BOSNE I HERCEGOVINE I KREDITANSTALT FÜR WIEDERAUFBAU, FRANKFURT NA MAJNI ("KfW"), ZA REALIZACIJU PROJEKTA SCADA/DMS/OMS – NA NIVOU DISTRIBUCIJE

I

Prihvata se zaduženje Federacije Bosne i Hercegovine (u daljem tekstu: Federacija) po Sporazumu o zajmu, finansiranju i Projektu između Kreditanstalt für Wiederaufbau, Frankfurt na Majni (u daljem tekstu: KfW) i Bosne i Hercegovine (u daljem tekstu: Sporazum), za realizaciju Projekta SCADA/DMS/OMS – na nivou distribucije u iznosu zajma od 11.000.000 EUR i finansijskog doprinosa u iznosu od 6.000.000 EUR od čega se na Federaciju odnosi 73,11 % odnosno (4.730.000 EUR zajma i 2.590.000 EUR finansijskog doprinosa za Javno preduzeće Elektroprivredu Bosne i Hercegovine d.d. Sarajevo (u daljem tekstu: JP EP BiH) ili 43% i 3.310.000 EUR zajma i 1.800.000 EUR finansijskog doprinosa za Javno preduzeće Elektroprivreda Hrvatske Zajednice Herceg Bosne (u daljem tekstu: JP EP HZHB) ili 30,11%) i na Republiku Srpsku 26,89% odnosno 2.960.000 EUR zajma i 1.610.000 EUR finansijskog doprinosa.

II

Sredstva zajma iz tačke I ove Odluke koristit će se za finansiranje „Projekta SCADA/DMS/OMS sistema – na nivou distribucije“ (u daljem tekstu: Projekat) odnosno sistema daljinskog upravljanja koji se zasniva na ugradnji i povezivanju navedenog sistema na postojeću telekomunikacijsku-optičku i radio komunikacijsku mrežu preduzeća, te na postojeću SDH optičku OPGW mrežu operatora prijenosnog sistema – „Elektroprijenos BiH“ izgrađenu u okviru projekta „Power 3“.

III

Sredstva zajma iz tačke I. ove Odluke, odobravaju se Federaciji pod slijedećim uslovima:

- rok otplate..... 9 godina,
- grace period:..... 0,5 godina,
- naknada za neiskorištena sredstva :0,25% godišnje,
- kamatna stopa: fiksna (zbir efektivnih troškova finansiranja koje napravi KfW plus marža od 0,65% na godišnjem nivou),
- naknada za upravljanje zajmom je 1,00% od glavnice kao jednokratni, bespovratni paušal i plaća se u roku od tri mjeseca nakon stupanja na snagu Sporazuma,
- isplate će se realizovati u tri tranše (I tranša EP BiH 43%; II tranša EP HZHB 30,11%; III tranša EP RS 26,89%) od ukupnog iznosa zajma i finansijskog doprinosa,
- valuta plaćanja:.....EUR,
- iz sredstava zajma ne mogu se plaćati carine, porezi i druge dažbine.

IV

Potvrđuje se da je razmatrana dokumentacija prihvatljiva za Federaciju, a posebno:

- Zapisnik sa pregovora,
- Nacrt Sporazuma.

V

Projekat će implementirati Jedinice za implementaciju projekata, formirane pri JP EP BiH i JP EP HZHB.

U periodu implementacije Projekta, u Budžetu Federacije nije potrebno osigurati dodatna finansijska sredstva za sufinansiranje Projekta. Krajnji dužnik i korisnik zajma su JP EP BiH i JP EP HZHB.

VI

Daje se saglasnost za zaključivanje Supsidijarnog sporazuma između Bosne i Hercegovine i Federacije za sredstva zajma iz tačke I ove Odluke.

Za potpisivanje Sporazuma i Supsidijarnog sporazuma ovlašćuje se federalni ministar finansija.

VII

Za realizaciju ove Odluke i izvještavanje zadužuju se Federalno ministarstvo finansija, Federalno ministarstvo energije, rudarstva i industrije, JP EP BiH i JP EP HZHB, svako u okviru svoje nadležnosti.

VIII

Implementacija Sporazuma iz tačke I ove Odluke ne zahtijeva donošenje novih ili izmjenu postojećih zakona.

IX

Ova Odluka stupa na snagu narednog dana od dana objavljivanja u "Službenim novinama Federacije BiH".

**PREDSJEDAVAJUĆA
DOMA NARODA
PARLAMENTA FEDERACIJE BiH**

Karolina Pavlović

**PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH**

Dr. Denis Zvizdić